

Fundargerð 69. fundar stjórnar SSKS

Fundur í stjórn SSKS þriðjudaginn 31. janúar kl. 08:05. Mætt voru aðal- og varamenn, Íris Róbertsdóttir formaður, Katrín Sigurjónsdóttir og Kristinn Jónasson ásamt Ingibjörgu Hinriksdóttur sem ritaði fundargerð.

Dagskrá:

Staðan í skerðingum

Íris greindi frá því að hún hafi fundað með Höllu Hrund Logadóttur orkumálastjóra, Sigurði H. Magnússyni, verkefnastjóra í raforkueftirliti, og Kristjáni Geirssyni, sviðsstjóra sjálfbærrar auðlindanýtingar, hjá Orkustofnun. Á fundinum kom m.a. fram að það er vinna í gangi hjá stofnuninni og ráðuneyti orku- og auðlinda. Þar er gagnkvæmur skilningur um að núverandi fyrirkomulag gengur ekki.

Ekkert svar hefur borist frá Landsvirkjun vegna bréfsins sem sent var 11. janúar sl. Ingibjörgu falið að ítreka það og óska svara.

Málþing um stöðuna í orkumálum

Stjórnin ákvað að efna til Málþings um stöðuna í orkumálum, haldið í Reykjavík föstudaginn 15. mars nk. kl. 08:30-11:30. Dagsetningin er valin með tilliti til þess að hún er daginn eftir landsþing Sambands íslenskra sveitarfélaga, 14. mars. Tilkynning um málþingið verður send út eftir stjórnarfundinn.

Stjórn kemur með tillögu að framsögufólki og aðilum í pallborð á næsta fund.

Næsti fundur

Ákveðið var að næsti fundur stjórnar muni fara fram eftir viku, 7. febrúar kl. 08:05.

Fundi slitið kl. 08:33